



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ეპიგეა

ეპიგეა (*Epigaea gaultherioides*), მარადმწვანე გართხმული ბუჩქი მანანისებრთა ოჯახისა. აქვს მოგრძო, ელიფსური, ტყავისებრი ფოთლები, მარტოული ან მცირეყვავილიანი [2-3(4) ერთად] მტევნებშეკრებილი ვარდისფერი ყვავილები. ყვავილის კოკრების ჩასახვა ხდება ზაფხულში, იზამთრებს თოვლქვეშ, ყვავილობს გვიან გაზაფხულზე. მსოფლიოში ამ გვარიდან მხოლოდ 3 სახეობაა ცნობილი. ამათგან, პირველი გავრცელებულია იაპონიაში, მეორე – ჩრდ. ამერიკაში, ხოლო მესამე – საქართველოში (კოლხეთში). ე. მესამეული პერიოდის რელიქტია, აჭარა-ჭანეთის ვიწრო ენდემი. ბუნებრივად იზრდება აჭარაში – ნამწვავისწყლის ხეობაში, მთის შუა სარტყლიდან სუბალპ. სარტყლამდე. ტყეში გვხვდება უმთავრესად დამრეც კალთებზე პონტოურ და უნგერნის შქერთან, მედვედევის არყთან, პონტურ მუხასთან, ნაბლსა და სხვებთან ერთად, ზ. დ. 900-1000 მ-ზე. ალაგ-ალაგ, მცირე ფართობზე ქმნის წმინდა რაყას, ზოგჯერ გამეჩხერებულ ტყეში შეაღწევს ხოლმე, ძლიერ დაჩრდილვას ვერ იტანს. დეკორ. მცენარეა. მრავლდება გადანაწვენითა და თესლით. შეტანილია საქართვ. წითელ წიგნში.

---